

汉太邱长仲弓陈公碑铭

先生讳實字仲弓颍川许昌人也其先出自有虞氏中叶当周之盛德有妣满者武王配以太姬而封诸太昊之墟是为陈胡公春秋之未失其爵土遂以国氏焉先生含圣哲之清和尽人才之上美光明配于日月广大资乎天地于乡党则恂恂焉斌斌焉善诱善导仁而爱人使夫少长咸安怀之其为道也用行舍藏进退可度不微讪以千时不迁怒以临下四为郡功曹五辟豫州六辟三府再辟大将军宰闻喜半岁太邱一年德务中庸教敦不肃政以礼成化行有谧会遭党事禁锢二十年乐天知命澹然自逸及文书赦宥时年已七十遂隐邱山悬车告老四门备礼閒心静居大将军何公进司徒袁公绍前后招辟先生曰绝望已久絺巾待期而已皆遂不至太尉弘震杨公赐东海陈公耽每在袞职群僚贺之皆举手曰颍川陈君命世

绝伦大位未跻慙于文仲竊位之负故时人高其德重于公相之位也年八十有三中平三年八月丙子卒群公百僚莫不咨嗟嚴藪知名失声挥泪大将军三公往吊于祠祭以中牢会葬作诔諡曰文範先生刺史太守树碑颂德许令以下至于国人立廟旧邑四时烝尝欢哀承祀其如祖祢荀慈明韓元长等五百余人緦麻设位哀以送之远近会葬者千人以上河南尹种府君南阳太守曹府君追叹功德述录高行固上世所罕有前哲所不过可谓存荣残哀而不朽者也先生有二子元方季方皆命世希有继其特立季方早亡亦图容加謚元方在丧毀瘁消形呕血过哀纯孝而已乃作铭曰峩峩崇岳吐符降神于皇先生抱寶怀珍如何吴窮既丧斯文微言圯绝来者何闻交交黄鸟爰集于棘命不可贖哀何有极

汉中郎蔡邕撰